

Skónčnje chcu hišće přikład podać, kak lohko tež njezdžě-
łani Němcy serbski nawuknu; snadź móht wón być hladadło a
powab za toho a woneho němskeho fararja w serbskej wosadze
skutkowaceho, kiž hišće serbski nawuknuł njeje. Po puću
z Ochozy do Drjenowa zetkachmoj 35-lětneho muža, z kotrymž
so do rozmołwy dachmoj. Wón jara derje serbski z namaj po-
wědaše, zo mějachmoj jeho wězo za Serba. Tola so wupokaza,
zo bě wón rodzeny Němc z wulkeho města Wrótsławja. Po
wójnje 1871 je khwilku w Myšynje džěłał, so ze Serbowku wo-
ženil, do Ochozy přecáhnuł a bórzy dospołnje serbski nawukł.
Jeho džěci su do čista serbske.

XXIV. Janšojška wosada.

Do Janšojškeje wosady słušeju wsy: Janšojce (Jänsch-
walde) z 791, Radojz (Radewiese) z něšto přez 200, filiala
Drejece (Wüstdrewitz) z 531, Turjańske Mazniki (Tauer'sche
Teeröfen) z wokoło 50 a kolonija Šejnejda (Schönhöhe) z wok.
150 wobydlerjemi.

Cyła wosada je serbska. W Janšojcach je 12 němskich
swójbow, z nich khodži do šule 16 džěci, kotrež pak móža runje
tak derje serbski. Serbski wšitecy Němcy rozumja, rěčeć pak
njemóža jědnaćo. W Drejcech je jena swójba (hajnik) cyle
němska, nimo teje 4 mužowje, kotřiž maju serbske žony, tak zo
su džěci serbske. Němcow je tam po tajkim do hromady 10.
W Radojzu, Schönhöhe a na Maznikach njeje ani jedyn Němc,
jeno blizko Turjańskich Maznikow, kotrež při „wjelikim jazoru“
ležo de Dreje słušeju, staj dwaj němskaj hajnikaj.

W Janšojcach přěduje so kóždu njeđzelu, w Drejcech kóždu
třeću njeđzelu němski a serbski; spěwa so na serbskich
kemšach serbski. Dokhodow ma farań 3000 hr., patronatstwo
fiscus. Šule su w Janšojcach (wučer Albin), w Drejcech (wučer
Richter), w Šejnejdze (wučer Huraz), a wući so we nich kaž
wokoło Picnja z pomocu maćérneje rěče. Bibliske hrónčka
pak wuknu džěci w šuli jenož němske, na paćerjach serbske.
— W přazach a před jutrami spěwaju tu młode holey serbski.